



Karl-Kristian Kruse  
Inatsisartunut ilaasortaq, Siumut  
/Uani

**Inatsisartut suleriaasiat § 37 naapertorlugu apeqquteqaat nr. 2017-046 akissut  
kiffartuussinissamut isumaqatigiissummut tunngasoq.**

Brevdato: 07.02.2017  
Sags nr. 2017-2011  
Dok. nr. 16932860

Asasara Karl Kristian,

Aallaqqaasiullugu Inatsisartut suleriaasianni § 37 naapertorlugu apeqqutigisatit  
qujassutigissavakka.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqqu 1.**

**Angallassinermi kiffartuussinissamut isumaqatigiissut ajorseriarfiusoq, qanoq  
ajortigilerpat Naalakkersuisut nutaamik neqeroortitsiniarpap?**

*Akissut:*

Aallaqqaasiullugu erseqqissaatigissavara Naalakkersuisut neqeroortitsinermik nutaamik  
aallartitsinissamik eqqarsaatersuuteqanngimmata. Isumaqatigiissutit atuutilersut nutaat  
ukiuni tulluuttuni sisamani aamma sisamani affarmilu atuutissallutik pituttugaapput,  
tamatum kingorna nutaamik neqeroortitsisoqarsinnaanera aalajangiiffiqineqassaaq  
imaluunniit isumaqatigiissutit atuuttut sivitsorneqarsinnaanerannut periarfissat  
atorneqarsinnaallutik.

Taamak oqareerlunga isumaqatigiissutit atuutilersut Naalakkersuisunit qanimut  
malittarineqarput, aamma isumaqatigiissutinik atuutitsisut tamat qanimut  
oqaloqatigineqartuarput, aallartissarnermi ajornartorsiutit, annertunerusumik  
attaveqaaqatigiinnerup iluaniittuusimasut, qaangerneqarnissaat siunertaralugu.

**Apeqqu 2.**

**Angallassinermi kiffartuussinissamut isumaqatigiissutit ilassutillu nutaat  
atuutilerneranni massakkumut suut pitsanngoriaataappat? Suullu  
ajorseriaataappat?**

*Akissut:*

Kiffartuussinissamik isumaqatigiissutit atuutilersut aamma taakkununga ilassutit  
isumaqatigiissutit angallannermi kiffartuussinermi arlalinnik pitsanngoriaateqartitsippat.

Kiffartuussinissamik isumaqatigiissutini Inatsisartut Aningaasaqarnermut  
Akileraartarnermullu Ataatsimiititaliaani aningaasaqarnikkut sinaakkutilluissaaqqaartoq  
anguneqangajalluinnarpoq. Aningaasaqarnikkut sinaakkutissat siulliullutik  
aalajangersarneqarsimapput aamma naak Naalakkersuisut tamat kissaataannik  
pisariaqartitsinerannillu naammassiniaasoqarnissaanik kaammattuumik  
saqqummiussigaluartut, Ataatsimiititaliamit aningaasaliissutaqqaartut  
aalajangiusimaneqarput.

Kiffartuussinissamik isumaqatigiissutit nutaat qaammatip ataatsip iluani atuutereerput,  
aamma januaarimi ullut amerlanerpaat sila pissutigalugu angalanissat taamaatiinnartut

amerlasimaqaat. Kujataani marloqiusamik angallassinermik aaqqissuussineq minnerusumik kinguaattoorfiusimasoq ilimanaateqarpoq. Angallasseriaatsini katitikkani nutaani attaveqaqatigiinnerup aallartisarnermi ajornartorsiuteqarpoq, taassumalli pitsanngorsarneranik maanna attuumassuteqartut tamat suliniuteqarput. Ilaatigut Disko Line tusagassiutitigut nalunaaruteqarpoq kiffartuussineq pillugu paasissutissiinermik suliaminnik annertusaallutik. Pitsannguutit ajorseriaatillu Naalakkersuisunit qanimut malinnaavigineqarpoq, angallanneq pitsanngorniassammat angalasullu toqqissisimasutut misiginiassammata.

Inussiarnersumik inuulluaqqusillunga

Múte B. Egede